

O B A V J E Š T E N J E

ZA PRIREĐIVAČE IGARA NA SREĆU

ZAKON O SPREČAVANJU PRANJA NOVCA I FINANSIRANJA TERORISTIČKIH AKTIVNOSTI objavljen u „Službenom glasniku BiH“ broj: 13/24, **stupio je na snagu 27.02.2024. godine – u daljem tekstu: „SPN/FT Zakon“**.

Prema članu 5. stav (1) tačka n) SPN/FT Zakona **obveznici** provođenja mjera za otkrivanje i sprečavanje pranja novca i finansiranja terorističkih aktivnosti u skladu s ovim zakonom su: „**priređivač igara na sreću, u skladu s propisima kojima se uređuju sistem i uslovi priređivanja igara na sreću**“, što znači da su priređivači igara na sreću u obavezi ispuniti veći broj zahtjeva navedenih u SPN/FT Zakonu.

Priređivači igara na sreću u Federaciji Bosne i Hercegovine su:

- **Lutrija Bosne i Hercegovine;**
- **Automat klubovi - priređivači igara na sreću na automatima koji posjeduju odobrenje za rad izdato od Federalnog ministarstva finansija/financija;**
- **Kladionice - priređivači igara na sreću klađenja koji posjeduju odobrenje za rad (uključujući i internet odobrenje) izdato od Federalnog ministarstva finansija/financija;**
- **Casino - priređivači igara na sreću u kasinima koji posjeduju odobrenje za rad izdato od Federalnog ministarstva finansija/financija.**

Shodno članu 102. SPN/FT Zakona, **priređivači igara na sreću su dužni u roku od šest mjeseci** od dana stupanja na snagu ovog zakona, **odnosno do 27.08.2024. godine**, uskladiti svoje poslovanje, organizaciju, opće i interne akte sa SPN/FT Zakonom.

Stoga ovim putem pozivamo sve priređivače da usklade svoja Pravila sa SPN/FT Zakonom i ista dostave na saglasnost Federalnom ministarstvu finansija/financija u skladu sa odredbama Zakona o igrama na sreću („Službene novine Federacije BiH“ br.48/15 i 60/15).

Skrećemo pažnju da je novim SPN/FT Zakonom, izmjenjen nadležan organ i da isti više nije Federalno ministarstvo finansija/financija. **Nadležan organ** shodno članu 93. stav (1) tačka j) Zakona, za nadzor priređivača igara na sreću u Federaciji Bosne i Hercegovine u vezi s provođenjem mjera za sprečavanje pranja novca i finansiranja terorističkih aktivnosti jeste **Federalna uprava za inspekcijske poslove FBiH**.

Sarajevo, 11.03.2024. godine